


Eta Táitavirayare eta Apaque'e



Eta Táitavirayare eta Apaque'e

El fin del Mundo

Ilustraciones por Saturnino Urquidi

Ignaciano

Publicaciones "Nueva Vida"
Cajón 522
Cochabamba, Bolivia

Junio 1971
300



Ánaquiparipa eta año mayanira'i
ema Jesucristo te anuma.

Puíticha ema eta mávi'a'i.

Ema máechajiurucavaca'i me Maiya
ena té'icana'i ema.

Vá'isera mánasima'i te anuma ema Jesús.

Tichavayare ema te juca apaque'e,

tímitecayare aquenucayare

naye'e namutu ena achaneana

te juca apaque'e.

Ema Jesucristo, ani maca'e:


Eta taca'e, nítecayare nuchavayare nuti
Tímitecanuyare aquenucanuyare naye'e namutu
ena achaneana.

Námayarepa'i namutu ena nuye'eana ángeleana.

Néjacayare te nuye'e trono tacapica'uquene.

Taca'e, tiúrujicavánayare ena achaneana
tamutu avasareana te numira'u.

San Mateo 25:31, 32a



**Ema Viya, eta te Sagrada Escritura,
timetaca'avi tamutu
eta táichararacavayare.**

**Étasera te juca libro
eta timetaca'aviyare
eta téchacareanapana.**

Te jena sácheanayare,
ena achaneana tivayuchavanainapa
eta nacapecaturaraivanaya.

Tási'a, nájinainapa napícauchaquenéima'i.

Náipicararecaya návijacainapa jácani
navara'aqueneyare nave'a.

Ena naverejiruanaya tájina
nacatiuchi'avaima'i.

Eta Sagrada Escritura, ani taca'e:

Jarari'iya eta sácheanaya, tivayuchavainapa
eta náichirayare ena achaneana eta navara'aqueneana.

Tavayuacainapa eta plata, navayuchayareva eta
náechajirisiravayare, ticasiflavavaicanayare.

Tipanarara'ianainapa, masuápajiráira'ánainapa
naye'e ena ticachichana.

Tájinainapa náitsirijirapima'i.

Vá'ivare napicauchaima'i ema Viya.

2 Timoteo 3:1, 2



**Taca'e, ema Viáquenu Jesucristo,
te máucupaicapa, váipasera
macatayapaicaima'i eta juca apaque'e.**

**Té'echucha te távi'a'i eta úcajiana
mávi'ayare, máichu'ainapa
ena manerejiruana'i té'icana'i ema.**

**Tíja'uchavainapa téchepucanaya
te náecariana ena náepenaqueneana'i,
ena té'icana'ivare ema Cristo.**

Én asera ena apamuriana náepenaqueneana
ena va'i náe'ica'ini ema Cristo,
vuícha'a téchepucanaima'i.

Taca'e, namutu ena té'icana'i ema Cristo
tiyananainapa nácapayacainapa ema
Viáquenu Jesucristo eta te mávi'a'i ema.

Tási'a, majacapainapa ema, mámamuri'ainapa
taye'e eta mávasa.

Eta Sagrada Escritura, ani taca'e:

Émarichu ema Viáquenu tícupaicaya tichavayare
tiási'aya te anuma.

Tipiaracaya muraca tíchuarecaya...

Taca'e, téchepucanainapa tínapucanaya
ena náepenaqueneana ena tisuapajira'iana'i
maye'e ema Cristo.

Taca'e, viti vítarerunaicha'a viyanayainapa,
Vimutu vicachanenapa ena náepenaqueneanaini.
Viácapajicainapa ema Viáquenu te anuque'e
te távi'a'i eta úcaji.

1 Tesalonicenses 4:16, 17a



Éma Satanás manerejicayare
ema émana achane tímicatacayare.

Tási'a, ema achane tíjaracavainapa.

Eta te Sagrada Escritura, táimijarecha
ema Tíñe'i Achane Váinarajiquene.
Émainapa aquenucayare taye'e tamutu
avasareana te juca apaque'e.

Taca'e, eta máepaniravayare tépiyacavayare
tiuri, témunara'iyare.

Mavarairayare'i máiturucavacaya
ena achaneana té'icanayare.

Taca'e, te máiturucapa namutu
ena achaneana,
ema Tíñe'i Achane Váinarajiquene
títivachavainapa eta mapanereruya.

Macatianacainapa ema Viya,
énapa ena té'icana'i ema Viya.

Eta Sagrada Escritura, eni taca'e:

Taca'e, tímerecavainapa ema Achane Váinarajiquene.
Tuparairucayare maye'e ema Satanás.
Ema tíjaracayare'i eta máitupajijiásiravayare'i.
Tamutuyare máimereca eta tiáramicareana
tacutiyare yátupiquenena'ini maye'ena'ini
ema Viya, étasera mavayuaraquianayarechucha
naye'e ena achaneana.

2 Tesalonicenses 2:9



Matiari'iyarevare

ema tímicutijirícavayare profeta.

Macavanairipiyare náepiyaca

eta nasifñarajiyare tacutiyare eta máima'i
ema Tíñe'i Achane Váinarajiquene.

Namutuyare náepuyumirauchayare ema nasi-
ñarajiyare, najirauchayare ema Satanás.

Énerichuvare macavanairipiyare nacamarca
ena achaneana te nana'uana,
té'epuca nava'uana váure,
apaesa náimaticare ena té'icanaya
ema Satanás.

Énerichuvare macavanairipiyare nacapacayare
ena mamarcareana'i.

Ema San Juan, eta máima'aguene te mavapure,
ani maca'e:

Énerichuvare macavanairipipa va'i nacujachapa
eta navacharapiana ena mamarcareana.
Ticatajivanapa eta namáiturusirayare eta nacamunu-
queneana taicha va'i nacamarca'ini eta maijare
etapa eta maye'e numero...ticaijare 666.
Apocalipsis 13:17, 18b



Te jena sácheanayare, eta avasareana
té'ajiricacanayare.

Técu'anainapa muraca ena achaneana.

Ticajumanainapa.

Tiúchujicanáinapa témuna'iricava
eta táife'iqueneana sárareana,
tanicayare ena achaneana.

Tiyamuricainapa eta apaque'e.

Tási'a, eta Sache téma'ainapa.

Eta Cajé énerichuvare títsimenapa
tacutinapa eta iti.

Eta jarairiquiana témiricanainapa.

Tási'a, ichape eta napsirayarepa
ena achaneana.

Ema San Juan, eta máima'aguene te mavapure,
ani maca'e:

Namutu ena achaneana ticayumuruquianapa te taju'e
eta ichapequeneana mariana cerro.

Ánipa naca'e:

—Vicavi eta ichapequeneana mari,
apaesa váipa macuima'a'avini ema Viya....
Apocalipsis 6:15, 16a



Te táequenenapa, témiricayareva eta yucu.

Táijuchayare eta apaque'e.

Tiáne'iyare ticuticu'acaca eta apaque'e
eta táijuchaqueneyare.

Eta une ánicuvaca ticutinapa iti.

Eta apana tisucaremainapa tacutiyare
eta veneno.

Tiúchujicainavarepa eta apamuri sárareana
táife'iqueneana máima'asiana.

Tájina naviyavaima'i najunaiya
ena achaneana.

Eta étana sárare,
táechucayare ena achaneana.

Tétavicavayare tacativa eta táechuraqui.

Eta apana sárare,
camurianayare ena tacaparuanaya.

Énaserá ena apamuriana achaneana,
vá'iquene navara'aima'i téneuchavana
me Viya.

Ema San Juan, eta máima'aguene te mavapure,
ani maca'e:

Énaserá ena apamuriana achaneana... vá'iquene
návara'aima'i náinajica eta náichirayare
eta tauriqueneana.

Vá'ivare téneuchavanaima'i.

Vá'ivare náinajica'ima'i eta najirauchira
ena éreanana, étapa eta nasiffarajiana...

Vá'iquenevare náinajica'ima'i eta nacapa'ivana,
étapa eta na'iapemarevana,
étapa eta nacaetemaravana naye'e ena esenana,
étapa eta námeraivana.

Apocalipsis 9:20, 21



Namutu ena té'icanaya ema Tíffe'i Achane
ticajumanayareva eta caracha
tacuti eta espuntiu,
ticatiyare ticajachacareyare
tijeheyareva.

Te táejamiuchavare eta Sache,
tivayuchavainapa eta táijureva.

Táijuchaya ena achaneana.

**Tási'a, ena achaneana ticacatiru'anayare
ichape.**

Tiyayacarenapa muraca eta apaque'e.

**Témiricainapa eta ichape uverequi
tijitacare.**

Náicufayare ena achaneana.

Amairipa'i, tájina tacáemachaquenéma'i.

**Vá'iqueneséra téneuchavanáima'i
ena achaneana eta me Viya.**

**Ema San Juan, eta máima'aguene te mavapure,
ani maca'e:**

**Ticápitiquíá'echavanapa ena achaneana
taicha eta tacativa nasama.**

**Taca'e, tisemasamureanapa nacajachapa ema Viya
taicha eta tacativa'i nasama eta najarana
nacarachana.**

**Vá'iqueneséra téneuchavanaima'i maye'e ema Viya.
Vá'ivare náinajicaima'i eta náichira
eta tamauriqueneana.**

Apocalipsis 16:10b, 11



**Tási'a, ema Viáquenu Jesucristo
tiápechavainavarepa tiúcupaica,
mámainapaipa eta ichapequene ejército.**

**Ema Tíñe'i Achane Váinarajiquene
macanarainapa ema Cristo.**

Ticápaquerécayare'iséra ema Cristo.

**Taca'e, ena ángeleana nacaratacainapa
ema Tíñe'i Achane.**

**Náepujuquichainapa eta te
táijurequene yucu.**

Énerichuvare, ema émana ángel
macaratacainapa ema Satanás.

Máechipaecainapa taye'e eta mávacu
pusu táupenaquene.

Taca'e, ticáerataequenénapa.

Tayerevayare eta mil año,
va'i ticaetemarecaima'i naye'e
ena achaneana.

Éma San Juan, eta máima'aguene te mavapure,
ani maca'e:

Taca'e, ema ángel máitiacainapa ema Satanás.

Mil áñoyare eta macaiti'airaya.

Taca'e, ema ángel máquijicapa ema eta te mávacu
pusu táupenaquene.

Taca'e, ticáerataequenénapa.

Máimicutiarachapa eta tapajacura eta macaerataiya'i
ticaizare sello.

Tayerevayare eta mil año, va'i ticaetemarecaima'i
naye'e ena achaneana...

Apocalipsis 20:2, 3a

Piti nuparape ¿pipicapuca eta juca
táiffe'iqueneana?

EMA Jesucristo mavara'a ticuchucu'aviya
taye'e eta ticatajivacareana.

Nájina apanaina picasiffaima'i.

EMA, vaipa tiyereima'i eta máitesirayare.

Puítinarichu pácasiffa pé'ica ema.

Tási'a, picunevainapa eta máichuiraviyare,
piácapajicáinapa te úcaji eta mávi'ayare.

Tási'a, vaipa pisamaima'i
eta ticatajivacareana.

Pácaiju'epa ema puiti.

Eta Sagrada Escritura, ani taca'e:

Puiti juca sache, pijacapacarecha'a me Viya
mapurare achanevicha'a.

Pisamacarecha'a puiti juca sache, ema Viya
mavara'a ticuchucu'aviyare taye'e eta
pícuñayare'ini taicha eta pipecaturana.

2 Corintios 6:2b

Pépuyuca péneuchava pimetaurecava maye'e
ema Viya.


Ani páca'e:

"Tata Viya te anuma,
nuvara'a nínejica eta nupecaturana.

Nusuapa eta nímicapasira'i ema pichicha
Jesús, táichavene eta macatiuchiranuyare
taye'e eta nícuñayare'ini
taicha eta nupecaturana.

Puítisera nucaiju'evinapa, Tata.

Picatajicanu, pijacapanu. Amen."



Taca'e, émapavainapa ema Cristo
aquenucayare taye'e tamutu avasareana.

Máijaracayare eta návacureanayare
ena té'icana'i ema.

Aquenucanainapa ena.

Mil año eta nacatupara'airayare.

Tímiturecanaya naye'e ena apamuriana
achaneana eta mavanairipiana ema Viya.

Te nájecapavapuca, ticáicuñavaneánayare.

Eta Sagrada Escritura, ani taca'e:

Tiúricacareanaya ena nani tiapechavanayare
títarecana.

Masantuchainapa ema Viya.

Vaipa tiápechavanaima'i tépenana.

Tiyujaracara'ianaya maye'e ema Viya,
émapa me Cristo.

Aquenucara'anayare, taicha ema Cristo
máijaracainapa eta natupara'ayare.

Mil año eta nacatupara'airayare.

Apocalipsis 20:6



**Taca'e, ema Jesucristo téjacayare
te maye'e trono tijapu.**

Tavayureva eta tajanunusira.

Anuque'eyare eta mávi'a.

**Taca'e, namutu ena náepenaqueneana
téchepucanainapa.**

**Tási'asera, ema Viya máija'uchayare
macamirica eta yucu.**

Táijuchayare namutu ena.

**Tiápechaváinavarepa nacarataca
ema Satanás.**


**Náepujuquicháinapa ema
eta te táijurequene yucu.**

Máichecuaraquirénapa eta máicuffayare.

**Ema San Juan, eta máima'aguene te mavapure,
ani maca'e:**

**Taca'e, ena ángeleana nave'apa
ema Váinaraji tivayudara'i.
Náepujuquichapa eta te táijurequene yucu
táetiraraisina eta tamuraira,
mávi'a'i ema Tiffe'i Achane
émapa ema mavanaraini'i maye'eini profeta.
Máichecuaraquirénapa eta náicuffayare,
tamutu sácheana, tamutu yátiana,
tájina nanarasiraima'i.**

Apocalipsis 20:10



**Taca'e, te táetavicavapa eta mil año,
tiúchucainapa ema Satanás.**

**Tiápechavayaréva ticaetemarereca
mayurucayare ena achaneana.**

**Mavara'ayare nâe'ica ema
eta mâe'acacairaya macanarairaya
ema Cristo.**

Ticayasere'ianainapa tája'apuca eta
náematanerépiana'i te achaneanaicha'a.

Jarari'iyare eta libro távi'aya eta
nalista ena té'icana'i ema Cristo.

Énaserá ena va'i té'icana ema Cristo
náepujuquichainapa
eta te táijurequene yucu.

Ena San Juan, eta máima'aquene te mavapure,
ani maca'e:

Náepujuquichapa taye'e eta táijurequene yucu
ena nácani tájina'i eta nalista taye'e eta libro
tíama eta náijareana ena títarecanayare.

Apocalipsis 20:15

Ticaicufianayare namutu ena tipiturijiana,
ena masuapajiraira'ana, ena máeperajiana,
ena ticapa'iana, ena tú'usiana, ena iápemareana,
ena ticasifjarajiana eta achanemirana,
énapa ena tépiya'ira'iana.

Ticaquijianayare namutu ena taye'e eta náicuchi
táijurequene yucu máitavacaca eta tamuruira,
tacuti eta táijuireta eta ichasiji muiji,
táetiraraisina eta tamuruira....

Apocalipsis 21:8

Piti, nuparape, ¿picasifapuca ema Cristo?

¿Péchapuca eta pítaresirayare?

¿Pipicapuca eta táijurequene yucu?

Ema Viya, va'i mavara'aima'i


piyana'ini eta te táijurequene yucu.

Mavara'a'i ema ticuchucu'aviyare.

Taicha eta macaimarusira'avi'i ema
Viya, va'i étaina mavara'a vicaicuffa'ini.
Ema mavara'a'i ticuchucu'a'aviyare
máichavene'i ema Viáquenu Jesucristo.
Ema, tépena'i te crusu vítivene'i,
mavaraira'i vítarecayare vicachaneyare
ema. Te máitecapa ema,
macaechepucainapa ena náepenaqueneana
vichamurianaini. Tási'a, viti
vítareruanaicha'a ti'etamuricha'avinapa,
taicha mavara'a'i vicachaneyare ema.

Eta Sagrada Escritura, ani taca'e:

Va'i étaina vivana'i me Viya vicuffarecaya.
Ema Viya mavara'a'i ticuchucu'a'aviyare
máichavene'i ema Viáquenu Jesucristo.
Ema tépena'i te crusu vítivene'i
mavaraira'i vítarecayare vicachaneyare ema.
Te máitecapa ema, tayanapanepuca vépenaripapuca,
véchepucayaresera vítarecayare vicachaneyare ema.
1 Tesalonicenses 5:9, 10



Taca'e, ema Viya máepiyacayare
eta arairuyare apaque'e.

Tamutuina pa tiúriyare.

Nájinainapa ticapecaturaima'i,
taicha ema Viya matiari'iyare
te nachacaya ena machanerana,
táichavare májinainapa ema Satanás.

Nájina tépenaima'i.
Nájinavare ticatisamurevaima'i.
Nájinavare tíya'aima'i.
Nájinavare tisamaima'i eta jacani
ticitiana.

EMA ÉMANA ÁNGEL MÁICHAPA EMA SAN JUAN, ANI MACA'E:

Taca'e, ema Viya macamitasina'eyare eta íyairana.
Váipavare épenaima'i.
Váipavare ecatisamurevaima'i.
Tájinapa ticaiyaca'eima'i.
Váipavare ecatajivaima'i
taicha tájinapa tiviucha'eima'i.
Apocalipsis 21:4



Eta mávasaya ema Viya te jena apaque'e.
Tétavicava táuricacarevayare.
Ticaijare Arairu Jerusalén.
Anaqui tájinapa sáchena táijure'ini
visama.

Tájináinavarépa eta yati.

Eta une tétavicavayare eta tajararaesirayare.

**Eta yucuquiana, tamutuyare sácheana
tica'i tinicacareanaya.**

**Ema Juan, eta máima'aguene te mavapure,
ani maca'e:**

**Te jena avasareyare, mapenayare ema Viya
émapa ema Cordero.**

**Eta návi'ayare taicha eta távi'a'i
eta tronoana nacetupara'aiyaya.**

Viti machanerana'i vijirauchaya ema.

Vímararacayare eta mamira tamutu sácheana.

Vicamarcayare eta máijare te vina'u...

Aquenuca'aviyare.

Máichecuarquirénapa eta vikatupara'airayare.

Apocalipsis 22:3b, 4, 5b



Ema Jesucristo, ani maca'e:

Íma'a. Nuti nítecavaneya.

Iúricacarepanayáre eti,

te esuapa eta tacayemaquene

eta máechajiriruva ema Viya...

Apocalipsis 22:7

Ánivare maca'e ema Jesucristo:

Tatiari'iyare eta sache níchu'ayare
ena náepenaqueneana te náecari.

Tisamanuanayare, tási'a
téchepucanayare tiúchucanayare.

Tiápechavayare títarecanayare
ena tíchana'i eta táuriqueneana.

Máichecuarquirénapa eta náitaresirayare.

Ena apamuriana ena tíchana'i
eta tamauriqueneana,
téchepucanayarevare.

Tási'a, ticaicuffanainapa
taicha eta napecaturana.

San Juan 5:28, 29

Tási'a, etsecava'i ecauneuchava'i
taicha vai echa eta tája-
mu'uyarepuca eta nítésiraya....

Ecaune'i,
machu nuchimaraca'e ímacacaru'i.

San Marcos 13:33, 36

Ánivare maca'e ema Jesucristo:

**Tiúricacarepanánayare ena nani
machanerana ema náquenu,
tiúriyare eta machimapira
ena ticauneuchavana'i
eta máitecapiraya.**

San Lucas 12:37

**Impreso en la Imprenta
Indigenista Boliviana**